

АНА ТИЛИ — БАЙЛЫГЫМЫЗ! ОНЫ САКЪЛАП КЪАЛЫНЪЫЗ!

АРМАНЧИКЪ

БАЛАЛАР МЕДЖМУАСЫ



0+

№4
(142)
2026



ТРЕНДЕР



МАСАЛ



СЌЗ
ТУ-ЗАКЪ
-ЛА-РЫ

онлайн подписка
<https://armanciq.ru/shop/>



ISSN 2413-3159



КРОССВОРДЛАР
ЭГЛЕНДЖЕ



ДЖАНЛЫ ЭЛИФБЕ

Йылнынъ эр бир мевсими
Дерсинъ джанлы элифбе.
Табиат **такъвим**ини
Оджа киби огрете.

Мына ишкир балкъуртлар
Кете бал топламагъа.
Бизлерге **орънек** олар
Эмексевер олмагъа.

Йырламагъа огрете
Бизни эписи къушлар.
Темизликке, эйиликке
Огрете кунеш, къарлар.

Табиаттан огренмек
Мумкюн эр бир шейчикни,
Дост, **муаббет** олмакъны,
Ишкирлик ве шеньликни.

(В.Орловдан)


Ю.Чаталкъаянынъ терджимеси

такъвим – календарь

орънек – пример


муаббет – дружный





Рессам Алие Менадиева

Тавшанчыккыкыа кыуушкыа (дупло)
ёлны тапмагыа ярдым эт.



Арткъач не бар? Тап.



ГУЛЬДЕСТЕ



Бабам бизни бугунь  янына алып барды.

Авасы ачыкъ,



къыздыра.



янындаки

аланчыкъта чешит чечеклер ачкъан. Мен башта 

тубюнде бем-безд назик



корьдим.

От ичинде мор



сакьлангъан.

Бираз узакъча мавы



мис киби къокъу сача.

Мен эписинден бирер чечек уьдим.




Дюльбер

олды.



Ресимдеки шейлернинъ биринджи
арифлеринден сёзлер тиз.



АЛЫШТЫРМАЛАР

Эмине оджа Кумышева азырлады



ЭЙ-ЭЙ-ЭЙ

Аранда сыгъыр мунърей.



ТЕ-ТЕ-ТЕ

Куместе хораз оте.



АЙ-АЙ-АЙ

Мышычыгъым миявлай.



РА-РА-РА

Эки копек афыра.



УЙ-УЙ-УЙ


Орманда къашкър улуй.



РЕ-РЕ-РЕ

Дагъда аюв окюре.

Окъ косътерген
ёлдан кет,
аталар
сёзлерини
окъу ве яз.



СУДОКУ

Бир сырада
(эм эңине, эм боюна)
айны ракъамлар
олмасын.

1		6	5		
4					
				1	
	5				
					4
		4	3		2

1				6	3
	6				
3				4	
					1
				1	
6	5				2

ЯНЪЫ АНТЕР



- Селям алейкум, Мавиле.
- Алейкум селям, Зарема. Насылсынъ? Къайдан келесинъ?
- Анамнен тюкянъга бардыкъ. Бакъ, манъа янъы антер алдыкъ. Бегенесинъми?
- Эбет, пек дюльбер. Бу тjos санъа пек ярашты.
- Чокъ сагъ ол!
- Сенинъ айны тюсте фесинъ бар эди, гъалиба. Бу антерге пек келишир.
- Вай, керчектен. Меним акълыма кель-меди. Догъру айтасынъ. Мытлакъ феснен берабер кийерим.
- Эйиликнен кий!
- Сагъ ол! Дарысы санъа олсун!





ЛЯЛЕЛЕР



ЛЯ ИЛЛЯХЕ ИЛЛЯЛЛАХ, МУХАММЕДЕН РЕСУЛЛЮЛЛАХ
«НЕТ БОГА КРОМЕ АЛЛАХА, МУХАММЕД ЕГО ПОСЛАННИК»



САБА ДУАСЫ

Хош кельдинь, гузель саба!
Биз турамыз, Бисмиллях.
Ля илляхе илляллах,
Мухамедден Ресуллюллах.

Санъа шукюрлер олсун,
Севимли Аллаһымыз.
Хайырынен башласын
Бугунь айдын сабамыз.

Гекхан Эвлия огълудан



БАЙТАР – АЙВАНЛАРНЫ ЯХШЫ ЯПАР



Эвиньизде яшагъан папагъан (попугай) олсун, азбарыньыздаки копек я да мышыкъ олсун, эр бир айван ичюн биз – инсанлар месулиетлимиз (ответственный).

Айванларгъа да, айны инсангъа олгъаны киби, базада ярдым керек ола. Бирининъ къанаты кырылыр, панджасында къотур (болячка) чыкъар. Иште айванларнынъ сагълыгъыны тюшюнмек, хасталарны бакъмакъ ве яхшы этмек – байтар, яни мал экимлерининъ вазифесидир.



Эр бир зенаат къолай сайылмаз, амма айванлар озь дердини, алыны анълатып оламагъанындан мал экимининъ иши зорлаша. Мал экимлери айванларгъа аит хасталыкъларны яхшы билип, раатсызлыгъы олгъан айванчыкъларнынъ къайда, не агъыргъаныны анъламакъ кереклер. Айванлардан да анализлер алына, оларгъа керек ашыламалар (прививки) япыла, махсус (специальный) илядж бериле, мельэм (мазь) якъыла.

Байтар олмакъ ичюн баягъы джесюр олмалы. Чюнки айванлар фаркълы ола: ири, кучлю, ачувлы. Олар окюре (рычат), тырнай, тишлей билелер. Бунъа бакъмадан, эким эр бир айвангъа чаре тапмакъ, сабыр ве дикъкъатнен янашмакъ керек. Айванларны севмеген адам буны япып оламаз. Шунунъ ичюн мал экими олмакъ ичюн энъ эвеля, севги, сонъра да бильги, джесюрлик керек.



Дюнъда пек чокъ чешит айван бар. Мал экими де даима озъ бильгилерини кенишлетмели (расширять), тиббият (медицина) саасында (в области) янъы кешфлерни (открытия) огренмели.



БАЙТАР ВЕТЕРИНАР



ЧАЙНВОРД



АТАЛАР СӨЗЛЕРИ ВЕ АЙТЫМЛАР



7



10



8



2

1. – гедженинь чырагы.

2. ишлер, ашар.

3.-ға куйрукъ ярашыр,
эрге – мыйыкъ!

4. Тувған еринь – алтын

5. куйругына ишаныр.

6. кыкылдамай кызламаз.

7. урбаны ашар, кысает – инсанны.

8. озюнинь чыккыан тешигини билир.

9. Сув ичкен-нъа тукюрме.

10. – падиша, – везир,
кыалганы вызыр-вызыр.



10



3



2




9



1



4





5



ТРЕНЛЕР

Биринджи демирёл эки юз йыл эвель кьурулгъан. О вакъыттан башлап юк, мал ве инсанлар бир ерден башкъа ерге тез вакъыт ичинде тренлерде алып кетильди.

Эвель эзельден адамлар шахталарда чалышкъанда маден (руда) толу арабаны агъач рельслерге кьойып ташымагъа кьолай олгъаныны анылагъанлар. Бойле этип демирёл ясамакъ фикри пейда олгъан. Башта демирёл устюнде вагонларны атлар чеке эди. Сонъра исе паровоз – бунунъ (пар) кучюнен чалышкъан локомотив уйдурылды.



Вакъытнен дизель ве сонъра да elektrik локомотивлер пейда олды. Демек трен мытлакь локомотив ве артындан бири-биринен багълангъан вагонлардан ибарет (состоит).

Тренлернинъ не алып кеткени, насил юргенине коре пек чокь чешитлери бар. Олардан бирилери – мал ве агъыр юклерни ташыгъан тренлер.





Балабан шеэр ичинде, шеэрлер арасында юрген ве инсанларны ташыгъан тренлер бар. Узун ёлларгъа чыкъкъан тренлерде юкъламакъ, ашамакъ-ичмек имкянлары бериле.



Земаневий суръатлы (скоростные) тренлер пек онъайтлы (удобные). Олар бир саатте 300 километр кече билелер. Ёл бою фильм бакъмакъ, музыка динълемек мумкюн. Биринджи суръатлы тренлер Японияда пейда олды. Бойле тренлер ичюн айры демирёллар къурула. Рельслер пек къавий челиктен (сталь) ясала.

Ёл тубюнде юрген тренлерге метро дениле. Дюнъяда биринджи метро 1863 сенеси Лондрада (Лондон) ачылгъан эди.

Сонъ заманларда исе мыкънатис (магнит) кучюнен юрген тренлер пейда ола. Олар бир саат ичинде 600 километрден зияде суръатнен юре билелер.





Селям алейкум, «Арманчыкъ» меджмуасы!

Сизге язгъан, Майе оджа!

Мен, Мамут Султан коюндеки Я.М. Слонимский адына «Доброе мектеп-гимназиясынынъ» башлангыч сыныф оджасы олам.

Меним талелерим эр дайым «Арманчыкъ» меджмуасына язалар ве онынъ эр бир саифесини пек меракънен окъуйлар. Меджмуанынъ эр бир саифесинде меракълы ве керекли малюмат бар.

Бу йыл да 1-В сыныф талелеринен «Арманчыкъ» меджмуасына яылдыкъ ве пек истекнен оны окъуймыз. Меджмуа балларгъа озь ана тилимизге меракъ, севги ашлай. «Арманчыкъ» эр вакъыт чыкып турсын! Бизлерге ве бютюн халкъымызгъа озь ана тилимизни даа яхшы бильмеге, огренмеге, чешит-тюрюл малюматларнен таныш олмагъа ярдым-джи олсун! Чокъ сагъ олунъыз!

Майе Джанклыч

Меджитов Керим,

7 яшында. 1-В сыныф талелеси. Эски Сарай (Пионерское) кою. Акъмесджит р-ны.



«ЯЗЫК – ДУША НАРОДА» БЕДИЙ ЭСЕРЛЕР ЯРЫШЫНДА ИШТИРАК ЭТКЕН ДАА БИР ИШНЕН ТАНЫШ ЭТЕМИЗ



«Миллий медениетни бешиктен ашламакъ кереклигини анылапкан мутеффикиримиз (просветитель) Исмаил Гаспралы озь нешрий лейхаларында оны даима козь огюне алатурган. Бу себептен де балалар ичюн ильк кырымтатар деврий(периодическое) нешир (издание) «Алем-и-субьян» («Мир детей») 1910-1915 сенелери афтада эки кере чыкып, «Терджиман» газетине иляве (приложение) олган эди. «Алем-и-субьян»да масаллар, икяелер, дерслер, насиатлы эсерлер эм де халкъ тасили ве тербиеси акъкъында маълалелер басылды.

Земаневий вакытта «Арманчыкъ» журналы ойле бир неширдир.

Мен он бир яшында олганда, анамнен мусафирликке барган эдим. Анда маса устюнде бир дюльбер боялы меджмуаны корьдим. Ойле этип «Арманчыкъ»нен таныш олдым. Энди алты йылдан берли анам оны манъа яздыра. О аджайип бильги чокърагы олды. Меджмуа, эвде отурып, Кырым боюнджа сеят этмеге рухсет бере. Саифелеринде халкъ урф-адетлери, медениет акъкъында меракълы икяелер окъумагъа мумкюн. Мен озь ана тилини темеллидже билип башладым. Биз анамнен «Арманчыкъ»тан рецептлер алып, чешит-тюрюл лезетли емеклер пиширемиз.

«Арманчыкъ» тек балалар ичюн дегиль, эр бир инсангъа меракълыдыр. Битамнен къартбабам да оны окъуп, чокъ севинелер. Менимдже, о меджмуа халкъымызны бирлештире. Журналларны топлап, тиким (подшивка) этем, чюнки оны кучюк къардашым окъуйджакъ. Балалар ана тилимизде окъуп язсалар, о тиль бир вакыт ольмейип, яшайышыны девам этеджек.»

Абдулвапова Эмине Руслановна.

Оджасы Алиева Гульнар Сейтумеровна

ВНИМАНИЕ!!!

Не забывайте **ПОДПИСАТЬ** работы ваших детей. (Имя, фамилия (обязательно), сколько лет (на выбор), место проживания (на выбор)). Для печати фотоснимка вашего ребёнка нужно прислать письменное разрешение родителя!

ДИКЪКЪАТ!!!

Баланъызнынъ мытлакъ ад ве сойады, истегинъизге коре де яшыны ве яшаган ерини **ЯЗМАГЪА** унутманъыз. Баланъызнынъ фотосы журналда басылгъаныны истесенъиз, ана-бабасынынъ язылы шекильде разылыгы шарттыр.





Валлаа АЛЬ-ДЖАФАРИ

ДЖУМЕРТ САНСАР^х

МАСАЛ

Сансар ягъмурлы тропик орманда озюне дюльбер яны эв тапып, ерлешти ве:
– Вай, мен яны эвимни пек бегендим! Ягъмур, ешилъ отларны севдим, атта мындаки батакылыкларны (болото) да севдим!

Шу анъ ягъмур сепелеп башлады. Сансар джыйгъан джеviz, фындыкларны толады да, ювасына ташыды. Бир къач данесини аджеле-аджеле (быстро-быстро) кемирип, ачкозьликнен (ненасытно) ютты.

Оны козетип тургъан дигер айванлар фысылдаштылар (перешептывались):
– Бу яны Сансар пек къызгъаныч (жадный) олса керек. Орманда олгъан бутюн емишлерни ашап битирир... Насыл тюшюнесинъиз, о бу ерде чокъ къаладжакъ экенми?

Сансар айванларгъа бакъып тааджиplenди ве: «Мен керчектен де ачкозь сансаргъа бенъзейим гъалиба!», деп тюшюнди.

Бу арада айванлар сансарнынъ янындан бир шей демеден айланып кеттилер.

Сансар ягъмурда сыланып, ушюгенинден кълалтырап башлады.

О, кевдесини силькитип: «Манъа мытлакъа оларгъа меселени анълатмагъа керек», деп тюшюнди.

Сансар айванларнынъ артындан чапа-чапа, ниает Тукан, Маймун ве Тенбельнинъ янына барып етти.

– Мераба, достларым! – деди. – Бильгенинъиз киби, сансарлар пек чокъ джевиэ джыялар ве...

Сансар даа айтаджакъ сезюни айтып етиштермеэи, айванлар онъа терс бакъып, чевирилип кеттилер.

Эндиден сонъ Сансаргъа ешилъ орман дюльбер ве бахтлы корюнемей эди. «Мен гъалиба мында кълалып оламайджам», – кедерли деди Сансар ве сонъра: «Энди мен янъы эвимни бегенмейим, манъа бу ерден кетмек керек!», деген кълаларгъа кельди.

Сансар кетмезден эвель, бир дакъкъа раатланмакъ ичюн козьлерини юмды. О, бахтлы кунълерини хатырлап, татлы хаялларгъа далды. Балалыкъ чагъында берабер ойнагъан достлары козьлери огюне кельди. Къулакъларында санъки дерсинъ битасынынъ: «Къыш байрамлары балалар ичюн зевкълы бир эгленджедир!», деген татлы сеси янъгырады.

О, козьлерини ачты да секирип: «Бельки де айванларгъа бойле къыш байрамына бенъзеген бир теэбир япмалы!», – деди.

Сансар топлагъан емишлеринден бираз фындыкъ алып атеш якъты ве байрамгъа азырлыкъ башлады.

Айванлар исе, озен боюнда топланып, бири-биринен фысылдашмакъталар: «Сансаргъа бакъсанъыз, онъа кълалса, орманда олгъан емишлернинъ эписини ашайджакъ!»

Бу арада айванлар янында апансыздан бир кольге пейда олды.

О, Сансарнынъ кольгеси эди. Сансар айванларгъа якъынлашып: «Достларым, сизлерни емек байрамына давет этмеге истейим», – деди.

Айванлар шашып кълалдылар, амма кене бир шей демеден айланып кеттилер.

Сансар кедерли алда эвине кълалтты. Башы эгильди, янакъларындан козьашлар тыгъырланып тюше.

Бир къач вакъыт кечер-кечмез айванлар кълалтып кельдилер. Олар мейва ве япракълар кетиргенлер. «Мейва байрамы бизим ичюн пек муим бир байрамдыр!» – дедилер.

Сансар айванларны корип, козьлерине инанамады. Айванлар онынъ этрафында отурдылар ве эписи берабер кокос, какао, банан, ананас ашап, байрам яптылар. Не де гузель!



Эписи бири-биринен татлы-муаббет лаф этелер.

Ниает Сансар сёз алып:


– Сизге айтаджакъ лафым бар, – деди айванларны козьден кечирип. – Бельки де мен сизинь ичюн ачкозь олып корюнгендирим. Амма мен емишлерни кьыш-кьа азырладым. Сансарларнынъ ойле адети бар. Кимерде мен, ач кьалмайым деп, джеvizлерни янакъларыма кьойып сакълайым.

Айванлар бири-бирине бакъып дедилер:

– Бизни афу эт (прости), Сансар! Меселе энди анълашылды! Эндиден сонъ, кьыймет кесмеден (оценивать) эвель анъламагъа тырышырмыз.

Инглиз тилинден Арзы-Баарь АЛИЕВА терджиме этти.







«Китап – бильги анахтары» лейхамыз-нынъ къараманлары этрафтаки алемни огренмеге девам этелер. Бу сефер яшлар айванат багъчасына ёл алдылар. Ер юзюнде не къадар чешит меракълы айванлар яшай экен.

Дюньянынъ чешит кошелеринде яшап оськен айваларнен бизни таныштырмакъ ичюн, оларны узакъ улькелерден кетирип, мында бакъа, беслейлер. Къафес ичинде къоджаман аювлар, къаплан, арслан, узун бойлу зурафелерни корьмек мумкюн. Ошлу маймунлар, ёлакьлы зебра, даима сакьыз чайнагъан деве...

Айванларнынъ чешитлиги дюньямыз не къадар кениш, зенгин ве меракълы олгъаныны косьтере. Оны ана тилимизде огренмек исе айры зевкълыдыр.



АЮВ
МЕДВЕДЬ

АЙВАНАТ БАГЪЧАСЫ



Издание осуществлено по проекту
КРООКПД «Арманчык»
«Китап – бильги анахтары.
Книга – ключ к знаниям»
при поддержке Государственного комитета
по делам межнациональных отношений
Республики Крым.



филь
слон



зебра
зебра




зурафе
жираф



бизон
бизон



къаплан
тигр



маймун
обезьяна

арслан
лев



тавус
павлин






«Аз биле япмакъ ич бир шей
япмамакътан даа хайырлыдыр»
«Къырымнынъ эвель сыфатыны
хатырлапъан къартларымыздан
бильгилерни язып алмакъ,
къорантанъызнынъ тарихыны огренмеге
тырышмакъ, тамырламызны
къурутмамакъ керек»

Аблязиз АЛИЕВ

Меним адым Аблязиз Шевкет огълу Алиев. Шимди Багъчасарай районы Алма Тархан (Вилино) коюнде тарих, джогърафия фенлеринден оджа олып чалышам.

Мен къартанамнен осьтим. О, эр вакъыт Къырым акъкъында икяе эте эди, дин, азизлер мевзусында икяелер, тюркюлернинъ тарихыны анылата эди.

Акъмесджиттеки къуруджылыкъ ве компьютер технологиялары окъув юртунда окъугъанда Гъазы Мансур эски мезарлыгъыннынъ янъыдан тикленильмесинде (восстановление) иштирак эткен эдим.



Шу вакытта бизим мимарий мирасымыз (архитектурное наследие) не кьадар аджныкьлы (плачевное) алда олгъаныны корьдим. Эвельден джами олгъан биналардан эвлер япылгъан, кьадимий (древний) абиделер (памятники) тамирленмей (не ремонтируются) тура. Тарихымызны даа яхшы бильмек ве файда кетирмек макъсадынен Къырым муэндис педагогика университетининъ тарих ве сонъра къырымтатар эдебияты болюгине кирип окъудым.

Оджаларым ве достларымнынъ дестегинен «Гъайрет» («Усердие») адлы джемаат тешкилятыны (общественная организация) кьурдыкъ. Биз оджаларнен корюшювлер кечиремиз, койлерге барып, эски мимарий абиделерни кьыдыра, олар акъкьында малюмат кьыдырып топлаймыз, экскурсиялар кечиремиз. Озь фаалиетимизнен кьырымтатар тарихий абиделеринен таныш этмеге, оларнынъ алына дикъкъат этмеге, яшларымызгъа медениет ве тарихымызгъа меракъ ашламагъа ниетлимиз.





ЧАМУР ИЧИНДЕ СЫЧРАГЪАН БАЛЫКЪ

ИЛИСТЫЙ ПРЫГУН

• ЛАТ. PERIOPHTHALMUS •

Бу балыкынынъ корюниши сан-ки фантастик бир фильмден алынгандыр. Балыкмы, айванмы, къушмы – бирден анылашылмай биле. Ялдавуч (плавник) ве нефес-лик (жабры) олгъанына коре бу аджайип махлюкъ (существо) керчектен балыктыр. О, тропиклерде, эм тузлу, эм тузсуз сувларда яшай. Амма меракълысы шу ки, сычрагъан балыкынынъ тени кислород кечиргени ичюн, о, сувсуз ерде де нефес ала биле.



Балыкълар сувларнынъ артылувы (прилив) ве тартылувы (отлив) олгъан ялыларда, лай (вязкая глина) ичинде яшайлар. Олар чамур ичинде юваларыны къазалар. Анда душманларындан сакълана ве балаларыны чыкъаралар. Балыкъ сув ичинден ялыгъа чыкъкъанда нефесликлерни сыкъы къапата, ёкъса олар къура билирлер. Ер устюнде балыкъ даа яхшы коре ве эшите. Сув ичинде исе козьлери яхшы корьмей.



Балыкъ балабан дегиль. Узун шекильде бедени 25 сантиметрге ете. Козьлери башынынъ тёпесинде ерлеше. Балыкъ къуйругъы ярдымынен, чегертки (кузнечик) киби, секире-секире юре.


Чамур ичинде сычрагъан балыкълар не тапсалар, оны ашайлар: секиргенде боджеклерни тута, къурт, денъиз отларны ашап кечинелер.



Вьетнам ве дигер улькелерде бу балыкълардан чешит емеклер пиширелер.

Саз къушу (цапля), йылан, ири балыкълар чамур ичинде сычрагъан балыкъларнынъ душманларыдыр. Базы чешитлери Къызыл китапкъа кирсетильген.






СОЛДАН САГЪҢА

2. Сачакъ тюбюнде юва кърмагъа севген кърш.
5. Бааръде тереклернинъ пытакъларында не пейда ола.
6. Бааръде ачкъан мор чечек.
8. Кърштан сонъ кельген йыл мевсими.
10. Ады «яны кунъ», деп терджиме этильген бааръ байрамы.
11. Майыс айынынъ ильк джума куню кърайд этильген халкъ байрамы.

ЮКЪАРЫДАН АШАГЪЫ

1. Кършларнынъ эви.
3. Бааръде биринджи ачкъан чечек.
4. Апрель айынынъ къррымтатарджа ады.
7. Кочебе (перелётные) кършлардан бири.
8. Бааръде энъ биринджи ачкъан, амма емишлери кеч пишкен терек.

Окь косьтерген тарафта ракъамгъа коре козенеклерни бояла.



3 ↘	2 ↗	2 ↘
3 ↑	2 ↗	1 ←
2 ↘	1 →	2 ↗
1 ←	2 ↘	3 ↓
2 ↗	2 ↘	3 ↗
5 ↓	2 ↘	3 ↘
2 ↘	1 ↘	2 ↓
2 ↓	1 ↘	2 ↘
1 ↘	2 ↗	1 ↘
1 ↗	2 ↘	3 ↘
2 ↘	2 ↘	5 ↑

Кечкен сандаки (2026 с. №3) булмачаларнынъ джеваплары

(16-нджи саифеде)

1 - памукъ, 2 - къопкъа, 3 - аюв, 4 - вашакъ, 5 - къандалай, 6 - йымырта, 7 - акъкъуш, 8 - шадырван, 9 - нохут, 10 - тавус, 11 - сувалчан, 12 - нал, 13 - ляле, 14 - ербучыкъ, 15 - къундуз, 16 - зарф, 17 - фыстыкъ, 18 - къыскач, 19 - чапчакъ, 20 - къушакъ, 21 - къалпакъ, 22 - къафес, 23 - сарымсакъ, 24 - къайракъташ, 25 - шемсие, 26 - ешиллик, 27 - китап.

(22-нджи саифеде)

1 - акъшамсефа, 1 - арслан; 2 - ахудут; 3 - саву-скъан, 3 - сынавул; 4 - алма; 5 - такътакъкъуш; 6 - алты; 7 - шефтали; 8 - лейлек; 9 - копчек; 10 - колибри; 11 - отьмек; 12 - мектеп, 12 - мантар; 13 - елькен; 14 - нилюфер; 15 - зумрут, 15 - зынджыр; 16 - алевке; 17 - ералма; 18 - рисале; 19 - ляле; 20 - шамаха;

21 - акъча; 22 - кемане; 23 - етмиш; 24 - къыскач, 24 - къафес; 25 - кокуюш; 26 - сулюн.

(30-инджи саифеде)

Солдан сагъга: 1 - кяинат; 3 - чолпан; 5 - зуаль; 7 - муштери; 8 - уранус; 10 - йылдыз; 11 - мерих. Юкъарыдан ашагъы: 1 - кунеш; 2 - ай; 4 - феза; 6 - утарид; 9 - сейяре.

(31-инджи саифеде)

МАНТЫКЪЛЫ ВАЗИФЕЛЕР:

1 - Деве къушу. 2 - Кумюш. 3 - Чюнки къутуп аювлары Шималий къутупта (Северный полюс). Пингвинлер исе Джениубий къутупта (Южный полюс) яшайлар. 4 - Вакъыт, ава дереджеси. 5 - Буюрлар (становятся старше).



**ПРИСЛАННЫЕ МАТЕРИАЛЫ РЕДАКТИРУЮТСЯ,
НЕ РЕЦЕНЗИРУЮТСЯ И НЕ ВОЗВРАЩАЮТСЯ**



Зарегистрировано
Роскомнадзором.
Свидетельство о регистрации
средства массовой информации
ПИ № ФС77-61125 от 03.04.2015 г.

Соучредители: КРООКПА «Арманчыкъ»,
ООО Издательский дом «Тезис»
Издатель: ООО Издательский дом «Тезис»

Индекс:

Годовая подписка 68310
Полугодовая подписка 68309
Льготная подписка 68311

Название журнала «Арманчыкъ»
соответствует развивающей детской игре
из традиционного национального фольклора
крымских татар.

Межмуадан азылар кочюрлп басылгъаны
такъдирде «Арманчыкъ»тан алынгъаны
косьтерильмели.

Все права на материалы,
опубликованные
в номере, принадлежат
журналу «Арманчыкъ».
Перепечатка только
с письменного разрешения редакции.

«Арманчыкъ» – детский журнал
на крымскотатарском языке.
№4 (142) апрель 2026 г.

Межмуа акъкъында фикир
ве теклифлеринъизни беклеймиз.
Адрес редакции и издателя: 295000,
г. Симферополь, ул. Долгоруковская, д. 14, кв.16

Издательский дом «Тезис»:
тел.: +7978 032 99 40, +7978 020 04 74
e-mail: armanchiq@mail.ru



Баш муаррир
Э. Р. МУСЛИМОВА
Муаррир
Дилъара ИБРАГИМОВА
Дизайн
Зера АКИМОВА

© «АРМАНЧЫКЪ» межмуасы

Выпускается на крымскотатарском языке ежемесячно.
Къырымтатар тилинде айда бир кере нешир этиле.

Отпечатано ООО «Издательство Вперед»,
295047, Россия, Республика Крым,
г. Симферополь, ул. Узловая, дом 8, корпус Дробь 5,
тел.: +7 912 250-77-55,
e-mail: izd-vpered@yandex.ru

Подписано в печать 16.04.2026.
Дата выхода номера в свет 26.04.2026.

Формат 60x84 1/8.
Заказ №
Тираж 2100 экз.
Цена свободная.



ЭВ — ДОМ

КЪАТ
ЭТАЖ

ТЕМЕЛЬ
ФУНДАМЕНТ

ДАМ
КРЫША

СОФА
ТЕРРАСА

ЭКИ КЪАТЛЫ ЭВ
ДУХЭТАЖНЫЙ ДОМ

КЪАПЫ АЛДЫ
КРЫЛЬЦО

МАГЪАЗ
ПОДВАЛ

КИРАМЕТ ДАМ
ЧЕРЕПИЧНАЯ КРЫША

БОСАГЪА
ПОРОГ

КИЛЕР
КЛАДОВАЯ

ДЖАМ СОФА
ЗАСТЕКЛЁННАЯ
ТЕРРАСА

АЯТ
ПРИХОЖАЯ

АЗБАР
ДВОР

ЧАРДАКЪ
ЧЕРДАК

